

KUMPUAN  
KHAWTLANG NUN  
SIAMTHAT

YMA

AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.38 16<sup>th</sup> Oct. 2011

## 10<sup>th</sup> CM RUNNING TROPHY NEIH A NI (Champion Ramthar North Br.YMA)

**Chanmari West, October 16:** Ni 13 - 14.10.2011 khan 10<sup>th</sup> Chief Minister's Running Trophy in Cultural Dance Competition Central YMA leh Art & Culture Deptt. buatsaih chu AR Lammual ah neih niin a ni 2-na Ni 14-ah Lawmman Semna Inkhawm Vanapa Hall ah neih a ni.

He hnamlam intihsiaikna hian ni 2 awhin, Ni 13.10.2011 (Ningani) ah Pu R.Hmingthanzuala, Dy.Director, A&C chuan kaihhruaiin intihsiaikna hi Pu Lalchungnunga, President, CYMA chuan a hawng a. Ni 14.10.2011 (Zirtawpni ) hian intihsiaikna hi chhunzawm leh niin chawhnu lamah Lawmman semna inkhawm Pu Ngurbiaka, Director, A&C Deptt. kaihhruaina in Vanapa Hall-ah neih a ni.

Lawmman semna inkhawm ah hian Pu Lal Thanhawla, Chief Minister chu Khuallian niin Khualzahawm ah Pu P.C.Zoramsangliana a ni. CM Running Trophy ah hian Aizawl khawpui chhung atangin Branch 38 an tel a, khawpui pawn atangin Branch

11 an tel bawk a ni.

He intihsiaikna ah hian hnamlam chi thum Chai, Cheraw leh Chawnlam te in intihsiaik a ni a. Ramthar 'N' Br.YMA chu Chawnlam leh Chai-ah pakhatna, Cheraw ah pathumna ni bawkin Champion an ni a. Ramhlun South Br. YMA chu Cheraw ah pakhatna niin Runner Up an ni.

Kan Branch YMA pawh heng lam chithum ah te hian tel kim vekin Cheraw leh Chawnlam ah 2-na ve ve niin a pumpuiah pathumna kan ni.

He CM's Running Trophy ah hian Pakhatna in Trophy leh ` 30,000/- an dawng a. Pahnihna in Trophy leh ` 15,000/- dawngin, 3-na atanga 10-na thleng hian ` 10,000/- theuh an dawng bawk a ni.



CM's Running Trophy-a kan Branch aiawha lamte leh hruaitute



Published and Edited by Chanmari West Branch YMA. 950 Copies

### Branch News

**1** Ni 13&14.10.2011 a Hnam Lam intihsiaikna neih zawh taka taima taka lam zirtu, lam zirtirtu zawng zawngte, lam zirte ei leh in tum saktu zawng zawngte chungah lawmthu sawi a ni.

**2** Zawlbuk sak chhoh mek a tui connection lakna pipe siamthat tum a ni.

**3** Kar hmasa khan YMA Park-ah park Sub-Committee te hnatlang neih a ni.

**4** Kan Branch Vice.Pressident Pu R.Lalhmachhuana pa Upa Lalkunga chu dam lohna avangin New Life damdawi in-ah a awm a,dam taka a lo chhuah kan beisei.

**5** Ni 18.10.2011(Thawhleh) zan khian CM Running Trophy Organising Committee te thutkhawm tum a ni e.

No. CYMA 74/2010-2011/18 of 13.10.2011  
CYMA MIZORAM : AIZAWL.

### CENTRAL YMA THUCHHUAK

YMA hi tlwmngai pawl, pawl thianghlim, Mizo zawng zawng lenna, Political Party leh Kohhran bik awm lohna a ni a. Kan hma lawka Central YMA hruaitu thlanna lo awm turah pawh hian thianghlim taka kalpui anih theih nan Political Party emaw, pawl dang inrawlh leh inhnahnhawih hi Central YMA chuan tha a ti lova, hetianga inthlanna tibawrhbang thei zawnga che leh Party Politics inrawlh tumna a awm a nih chuan Central YMA chuan na takin a do let ang.

Sd/- LALBIAKZUALA  
General Secretary,  
Central YMA

**TUN KAR CHANGVAWN**  
Nimahsela in thinlungah itsikna nasa tak |  
leh inelna in neih chuan, thu dik uan |  
khum suh ula, thu dik dodalin dawt sawi |  
heh suh u. Jakoba 3:14 |

**Editorial Board****Editor**

RK.Rozidinga  
9436142304

**Joint Editor :**

RK. Malsawmkima  
9862578441

**News Editor**

Tv. Thangkhuma  
9862303135

Pu Vanlalhluta  
9862366308

Tv. Vanlalfawna  
9856301975

**Cir.Manager**

Johny Lalthanpuia  
9612359161

Jacob Lalrinsanga  
9612319779

**Production Manager**

R.Lalhmachhuana  
9436151817

**Branch Office Bearer**

**President**  
T.Ngurkhuma  
9436190843

**Vice President**  
R.Lalhmachhuana  
9436151817

**Secretary**  
RL.Thanhnuna  
9436152760

**Asst. Secretary**  
K.Darthantluanga  
9436196071

**Treasurer**  
C.Lalzarliana  
9436142049

**Fin.Secretary**  
Lalthuamluua  
9612216649

**Advisers**  
Pi Zamanthangi  
Pu Vanlalsawma

Pu Rothuama  
Pu Lalbiakthanga  
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

**Editorial :****'Hnamlam Intihsiaik'**

Kum 2 dana neih thin hnamlam intihsiaikna CM Running Trophy a vawi 10-na chu neih zawh a ni leh ta reng mai. He intihsiaikna a tel tur hian kan Br.YMA pawh nasa takin a inbuatsaih a, a zir hun chhung a rei ang hu ngaihtuahin intihsiaikna chu ni 2 lekah neih zawh a ni mai hi a khamawm loh rum rum dawn a lawm mawle. He lam inbuatsaihna a memberte leh hruaitu mahni hna tul tak tak kalsana zantin mai a lam zirte hi an fakawm em em a, pakhatna dinhmun hauh lo mah ila keini aia lamthiam veng ti a sawi hi an la tam lemlo niin a lang. Kan inbuatsaihna te kha a thlawn mai a ni lo tih kan hriat a, Mizo hnamlam a hma kan sawnna leh rahbi thar kan kai na a ni tih kan hriat theuh a pawimawh awm e. Champion dinhmun hi Branch pakhat chauhin a lak theih a nih miau loh avangin kan lak loh kum a thleng a ni tih leh keini aia lam tha an lo awm ve tawh a ni tih rilru pu a he kan dinhmun hi lawm tak leh lungawi taka kan pawmthiam tlan a tha awm e. Kan inbuatsaih thalo tihna ni lovin hun lo la awm turah tun aia nasa zawk leh tha zawka kan beih chuan Pakhatna kan la ni leh thei a ni tih rilru memberen i pu thar leh theuh ang u.

**Article :****I IN ENFIAH MAWLH ANG U**

- K.Rohlupuia (Rotea)

Chanmari West Aizawl ah hian, kum 2000 atangin kan lo khawsa ve ta reng mai a lo ni a, tichuan, thil tam tak kei pa mawl ve tak hian ngaihtuahna hrang hrangin kan awmna veng thatna tur ni awm a ka hriat te hi thian tha te bul ah ka lo sawi ve in, ka suangtuah nasa ve hle thin.

Han ti ta mai mai ila, Mizoram khawchhak lam Khawzawl khua a piang a seilian, thingtlang pa mawl ve mai mai thu leh hla hi a ropui tehchiam lo in ti a nih pawhin a awm tho tih te chu ka in hnem ve na a ni a, khai aw !! Ngaihdan leh duh thu in sawi ve ang hmiang.

Chanmari West hi kum 1985 ah Chanmari atangin a lo in dang kha a ni a, a kum 26 na ka hmang ve mek a nih chu, chu aia ril deuh chuan Aizawl hi kum 1887 ah Ajial ti a, British hnuaiah din a lo ni daih tawh bawk a, kum za chhung fe zawng a ni ta ber mai, mahse Zofate hi kan in enfiah ve a van ngai ta ve aw, ka ti thin, a chhan chu, Aizawl veng hrang hrang te hi thingtlang atanga pem khawm deuh vek kan ni a, ngaihdan leh duh dan pawh in an lohna leh mi haus a leh rethei len za na hmun a nih angin, chumi zingah chuan Chanmari West pawh hi lang tel ve a ni. Chanmari West ah hian kum 2011 hian in

ding lai- 565, Cement Concrete -328, Assam type- 237 kan ni a, kan in sak a in hniah tual tual a, kan rilru lam erawh a in hlat tual tual erawh hi chu a pawi a ni. Hei bakah hian kan incheina te a changkan tual tual a, kan in leh a chheh vel hnawm pahi dan leh septic tank chungchang thleng hian, thenawm te tan a hnawk leh ngaihmawh awmte hian kan awm thei a, aia upa zawk te zah leh mizo kan nihna ang ngei a, tlawmngaihna vawn nun zel chungchange pawh a zir a kan in zirtir a lo ngai ta te hi a pawi a nih hi, chuvangin Mizo takin chhungtin mimal tin te hi l in enfiah mawlh ang u.

**THANTHUAMLIANI MEMORIAL : CWBYMA SPORT 2011**  
( Issue hmasa a mi chhunzawmna)

- Hmingthana, V Sect.

A ni hnuhnung ber ah hian Game hmasa berah V Sect A leh CH Sect A te inkhelin CH lam hi an tang thei em em mai a, an 1st Div player te khel phei se chu chak thei mai awm an ni, V lam tan an lone striker Eric'an Goal hmangin an chak tawk a ni. 2nd Match ah tu zawk nge Champion ang kan tih ruk rauh K leh N te an inkhel zui nghal a Fitness ah an tha dun bawka an hmuhnwam ngei mai, K lam an rawlthar rual che rang tak tak te an hmuhnwam ngei mai, N lamah Goalkeeper rorum veteran Tluanga'n tleirawl rual te rawn ho in khawi zawk nge khel tha zawk tih hriat miah lohin K lamin Ziona hmangin hma an hruai, hntawp dawn tep ah N lamin Roberta hmanga rawn suti Tie Break ah N lam an vanduai zui ta a ni. Hmeichhe Football Final khel zawk ah B Team Final V leh CH ten an khel zui a, CH lam hi B Team ah pawh 1st Division Player la dah thei ngat an ni. An in bei tawk hle a V lamin Goal chance tha nei zauh zauh mahse CH Keeper Puitea hma ah an zam nge an pal tlang mai theilo, ropui tak takin dang mahse ball kang a man pial ta zauh mai a a Goal phah ta a, Second half ah Nisa enkhah vangin a chhuah leh palh bawk, Super sub, BZa te Sawma ten an chhan pha tawh loin Game hmuhnwam leh changkang takah phu takin V an Champion ta ani. 'Main Event' V leh K A Team ten Final khel ve leh in hei zet hi chu Overall champion hriltu ani nghal bawk V chaklo sa turah ngaih deuh fur ani a, mahse Game tan hnuah chutiang ani ta hauh lo mai an thiamin an che rang dun em em mai a, V Defence ah Best Player Tleipuia, Faka te

midang ho an khauh em em a, midfield ah leh hmatawngah chuti bawk. K lamah Peka te RCa te Una, Tluanga te una, Nunpuia te ho che vel a hmuhnwam a mumal taka khel dunin khawi lam defence mah an in paltlang thei lo. Hun tawp dawn hnai ah V Coach/Captain Mangheta through ball pek tha lutuk mai chu Sangmawia man hman lohin MSTA'n confi lutukin a thun, K lam rawn tang hle mahse Goal awmzui lo in khua in hun a thim hnanzui a, Power awmlo nen Lawmman sem pawh Mike Horn lawng nen kalpui zui a ngai ta a ni.

A thui ta viau mai a, he Games buatsaih a nih chhan Vengchhung YMA member te lo inpumkhat leh thawhho na that zawk na atana buatsaih anih ang ngeiin a thiltum ah a hlawhtling thawkhat viau in a hriat. Games huaihawt chungchangah pawh ruahmanna a tha thawkhat viau a, hei ai hian a tha zawk ang tih tur chu awm mahse a tlangpuiin a tha e. Organising Board felfai tha tak Section leh Branch aiawh zo thiau kan lo ruat kha a fuhin an hna an tlin takzet ani. Section lam te inbuatsaihna pawh Fur ruah tlak lai ni mahse a tha tlang. Vengchhung leh Veng pawn lam atanga kan Match Official te an fakawmin a tawpni a T Section Buk a awm ve talo kha chu puu tur dang a awm si lo an fixture a vanduai bik a, a pawi a ni. Awle, Pi Tlangkhumi Memorial, Tv Lalruatkima Memorial, Pi Thanthuamliani Memorial te hi Chanmari West Thalai te inhmuhkhawm ni, hnati nite Thlanlaih ni te a an titi ani chho renga, ani kumkhua reng dawn a, an hming hi kan Thalai te thinlungah a cham reng bawk ang.

### VANAPA

» Ningani Zingkar khan Pu C.Lalsangzuala Cubic Lung thiara Sumtuak hnatiang neih ani a, Lung 200 lai thiar ania, Pu.Lalchhuanawman Hnatlang te tanpuina Rs 100 lai a pek bakah Pi Rosiamin Kuhva tam tawk tak a leisak bawk.

» Pu PC Lalhmingsanga,Pu PC Lalhriatpuia, Pu Laldawnglu te an dam leh thuai an beisei.

» November thla hun remchangah Champion lawm paha intuaitharna neih tum ani a, Tel tum te chu Rs 50 leh Buhfai No 1 thawh tur ani a, October thla chhung ngei in Secretary Tv Mangheta leh Hmingthana te hnenah pek tur ani, Member zawng zawng bakah Hruaitu hlui te pawh tel vek turin Section Committee in a sawm ani.

» NI.R.K.Lalthengliani leh NI.Lalrempui te DDK News Reader ah an tling thar.

» Mesak Lalchhandama (Pu C.Zakapa) ten naute an nei thar chu an lawmpui hle.

### TAITESENA

» Ni 11.10.11 (Thawhleh) zan khan section Committee neih a ni.

» Zawlbulk Fund khawn chhunzawm mek a ni a, hruaitu latifello te a ranglama tifel theuh turin an in ngen. Zawlbulk Fund hi kan Section target ` 1,00,000 niin tun dinhmunah ` 1,00,160/- chuang thehluh tawh a ni.

» Ni 12.10.11 (Nilai) zan khan hruaituten kuang duan hnatiang neih a ni.

» Ni 13 leh 14.10.2011 zingkar khan step nawhfai hnatiang neih a ni a, hnatiang ah hian member 80 chuang an thawkchhuak a ni. Member hntlang zawng zawnge chungah lawmthu an sawi.

» Nimin Inrinni a member nawlpui hnatiang neih tum chu Presbyterian Kohhran in hnatiang pawimawh taka neih avangin thulh a ni a, karleh hun remchang hmasa ah hnatiang hi neih leh tum a ni.

» 10<sup>th</sup> Chief Minister's Running Trophy in Cultural Dance Competition-a kan Branch YMA 3-na kan ni chu an lawm hle a, a lehpek a Champion ngei turin duhsakna an hlan. Section atanga lam te chungah lawmthu an sawi bawk.

» YMA General Conference Kolasib a neih turah Section member a tam thei ang ber kal tum turin an in ngen.

(T-Section report chhunzawmna)

» November thla chawhma lampang hian Section memberte intihlimna hun hman tum a ni a, he huna kal tum te chu Secretary Pu RK.Rozidinga hnenah emaw Treasurer Pu R.Lalsangzuala hnenah emaw hming pek luh tur a ni. Hming pe lote chu kal theih a ni lovang.

» Vaivakawn road kawng chhukthla a kawng bawhtu hnim te a kawtkai a mi ten theih ang ang a lo samfai zel turin an in ngen

### KHUANGCHERA

» Ni 13.11.2011 khan Section Committee pawimawh tak an thu a, thil pawimawh an rel.

» YMA Zawlbulk sak mek a chhungtinte hnenah pawisa an dil chu chhungkaw engemawzatin an tlak fel tawh a. A la tifel lo te tlawmngaia a khawntute hnenah tlak theuh tum turin an ngen nawn leh.

» Branch YMA in Section wise Sport a buatsaih a Pahnihna an ni chu lawmawm an ti a, hruaitu, member leh mipui tanralna ah lawmthu an sawi. Sum leh motor, tha seng tute chungah lawmthu an sawi a ni. Vanapa Section te an champion chu an lawmpui hle.

» Mi inphal te hnen atanga an dawn Volleyball-1, Volleyball net -1 leh Football -1 chu Chanmari West Sporting Club hnenah an pe.

» Branch YMA committee-in rem a tih chuan November thla chhung hian section memberte intuaitharna hun hman tum a ni.

» YMA Gen.Conference lo awm turah member a tam thei ang ber kal tum turin an in chah/ngen a, ruihtheih thil leh a thalo lama fihlim thei nih tum turin an in chah.

» Section huamchhunga rawn awm thar ten Pem Lekhha felfai tak an nei ngei tur a ni.

» YMA inhlawh nana Electric Bill leh Tui bill pek tirtu chhungkuate chungah lawmthu an sawi.

### NEUVA

» Sairang Road leh Central Road kawngsira ualau taka ruihhlo ti thinte kawng kal tan leh a bulhnaia awmte tan hnawksak leh veng tihmingchhetu nih inhriaa sim tawh tura ngen an ni.

» Section Jersey Football(O<sub>2</sub>) pakhat leh Volleyball Jersey (LS Bakery) a la lut kim lo a, Secretary hnenah aranglama dah turin an ngen.

(N-Section report chhunzawmna)

» Biakkungi Gas Consumer Card Lalfinga tih hming chuang tihbo palh a ni a, a chhar chuan Section Secretary hnenah aranglama hriattir nise an lawm hle ang.

» YMA Zawlbulk Fund khawntuten Receipt leh List felfai tak Secretary hnenah thehluh tur a ni a, October ni 20 ral hmaa khawn hmabak la awmte khawnfel turin an in ngen bawk.

» YMA Gen. Conference Kolasib a neih turah member a tam thei ang ber kal turin min sawm a, kal tumte chuan Br.Secretary hnenah vawiin Ni 16 ral hma ngeiin kal man ` 100/-pe a inhriattir tur a ni e.

» Gas Card siam thar tir ten Local Council atanga lakchhuah a nih veleh number pek thuah a awm loh nan Section Secretary hnenah hriattir leh phawt thin tur a ni.

### ZCC NEWS

» CM Running Trophy a Club member lam zawng zawnge chungah lawmthu an sawi.

» Club Dress CM Trophy-a hman hawn zawng zawnge thehlut vat turin an in ngen.

» Hnamlam intihsia kna a tel Club member ni duh te chu ` 5/- pe in club hruaitute hnenah in pek theih reng a ni.

» Karleh hun remchangah Committee neih tum a ni a, hruaitute lo inbuatsaih turin an in ngen.

### LAWMTHU SAWINA

10<sup>th</sup> Chief Minister's Running Trophy in Cultural Dance Competition 2011 chu kan lo hmang zo leh ta a. Kan Branch YMA pawh he intihsia kna ah tel ve in Cheraw leh Chawnlam ah pahnihna niin a pumpuiah Pathumna dinhmun kan luah a. He dinhmun luah thei tura thahnemngai taka lam zir thin memberte leh lamna hmuna tawiawmtu Section hrang hrang hruaitute leh memberte chungah Chanmari West Branch YMA chuan lawmthu a sawi takzet a ni. Lamzir nana hmunha hmantirtu Indoor Stadium Management Committee, lamna Dress phal taka hmantirtu Zofa Cultural Club te, tlawmngaia ei leh in buatsaihsaktu leh kal leh haw nana lirthei thawtu zawng zawnge chungah Br.YMA chuan lawmthu a sawi takzet a ni.

Sd/- RL.THANHNUNA  
Secretary  
Chanmari West Branch YMA

**CYMA NEWS**

Ni 13 - 14.10.2011 a 10<sup>th</sup> Chief Minister's Running Trophy in Cultural Dance Competition neih zawk taka result hetiang hi a ni.

**Champion :-** Ramthar 'N' Br.YMA  
**Runner Up :-** Ramhlun 'S' Br.YMA

**Chai:-**

1st :- Ramthar 'N' Br.YMA  
2nd:- Mission Vengthlang Br.YMA  
3rd :- Armed Veng 'S' Br.YMA

**Cheraw:-**

1st :- Ramhlun 'S' Br.YMA  
2nd:- Chanmari 'W' Br.YMA  
3rd :- Ramthar 'N' Br.YMA

**Chawnlam:-**

1st :- Ramthar 'N' Br.YMA  
2nd:- Chanmari 'W' Br.YMA  
3rd :- Chaltlang 'N' Br.YMA  
Heng lam chi thum ah hian 1-na in ` 2,000/- 2-na in ` 1,500/- leh 3-na in ` 1,000/- theuh an dawng a ni.  
Member tel tam ber - Mission Vengthlang (54 -members) an ni a, ` 2,000/- an dawng a ni. Heng bakah hian Branch tel zawng zawngin ` 7,500/- an dawng theuh bawk a ni. Top 10 alang Branch te chu :-  
1<sup>st</sup> - Ramthar 'N' Br. YMA  
2<sup>nd</sup> - Ramhlun 'S' Br. YMA  
3<sup>rd</sup> - Chanmari West Br. YMA  
4<sup>th</sup> - Mission Vengthlang Br. YMA  
5<sup>th</sup> - Chaltlang 'N' Br. YMA  
6<sup>th</sup> - Armed Veng Br. YMA  
7<sup>th</sup> - Dinthar Br. YMA  
8<sup>th</sup> - Vaivakawn Br. YMA  
9<sup>th</sup> - Maubawk Br. YMA  
10<sup>th</sup> - Chanmari Br. YMA

**CWSC NEWS**

Chanmari West Branch YMA chuan Indoor Stadium September thla Electric bill 2,273/- an pek sak avangin Indoor Stadium management committee chuan lawmthu a sawi.

**Volleyball Sub - Committee :-**

Ni 14.11.2011(Zirtawp) zan khan Pu H.Lalramhluna T-Section In ah meeting pawimawh tak neih a ni..  
Branch YMA in Volleyball leh Net a pe a, Branch YMA chungah lawmthu an sawi takzet a ni.

Aizawl District Volleyball Association leh Inter Veng Volleyball Tournament lo awm turah practise chungchang sawihi turin vengchhung volleyball players zawng zawnge Pu Lalthanuza, T-Section inah vawiin inkhawmban hian kal khawm vek tur a ni e.

**CWSC member pathum**

(CWSC report chhunzawmna)

Lalfakzuala S/o Zaithamawia 'N', Lalrangsanga S/o Lalsangzuala 'N' leh Lalramngheta S/o Ramenga 'V' te chuan National Mini Volleyball Championship Champa, Chatisgarh a neih ah Mizoram aiawhin an tel. Ni 13.10.2011 khan Lengpui Airport atangan an thlawk thla a, Volleyball Sub-Committee chuan an chhuangin an lawmpui hle.

PYKKA Sports, Champhai District a neih ah Lalhminghlua S/o Laltlanmuana 'T' chu Aizawl District aiawhin a kal bawk.

**Football Sub - Committee :-**

Thla thar November ni 1 atang hian ADFA buatsaih 2<sup>nd</sup> Division Tournament neih leh tur a ni a, hemi atana sumtuaknan vengchhungah tun thla tawp hian '**Sangha zawrh**' tum a ni. Vengchhung nu leh pa te tlawnngaia lo leisak theuh turin an in ngen lawk.

Ni 12.10.2011(Nilai) zan khan Pu Vanlalhrauaia (CH-Section) te in ah committee neih a ni.

Heng atang hian Football dawn niin lawmthu an sawi mawlh mawlh.

(1) Branch YMA -1  
(2) K-Section - 2.

Ni 12.10.2011(Nilai) zan khan Pu Vanlalhrauaia (CH-Section) te in ah committee neih a ni

<b>JOHN FRESH FRUIT CUM RESTAURANT Kawipui Chawngbawla Section Prop THARI 9774573608</b>
--

**KEIMAHNI**

Kan Production Manager Pu R.Lalhmachuana pa Upa Lalkunga chu New Life Hospital-ah enkawl mek a ni a, dam taka a lo chhuah leh thuai kan duhsak hle.

Pu Ramhluna te chhungkua in thingpui leh a hmeh tuhnai tak min rawn hlui a, an chungah kan lawm hle.

Tunge a nih? A chhang dik hmasa ber Br.Secretary in lawmman ` 50-lam tur a ni e. SMS huang Ph.No. ah tlai dar 1-3 inkar ah chhan tur a ni.

**HETAH HIAN SMS LA**

>>9774170328<<

CM Running Trophy ah 3-na kan ni hi a lawmawm hle laiin a hniat zawnga kan kal zel mai hi chu a zialo lampang deuh hlek chu a ni.

**986210\_00**

YMA in Zawlbuk memberte punkhawmna tur kan sak mek a Badminton Court kan duang tel hi chu a finthlak loh hle a ni. Indoor Stadium kan vengchhungah a awm tho si a.

**943619\_11**

Kan veng Football Players te champion leh ngei tum turin duhsakna ka hlan a, 1<sup>st</sup> Div. kan kaina chance a ni tih kha hre reng ang che u.

**943614\_04**

Lal pian hun kan hnaih leh ta hle mai. Zu rui hmuh tur an tam leh ta Special Act hman a hun leh tawh in tie ve em?

**961231\_79**

T-Section Gas semna point thlang ber a gas vawi 4 semkual a vawi 1 kan lak theih laia sem apianga bur 2/3 la thei an awm reng mai hi enge a chhan ? Tu mawh nge ? A la tam lah hi an zak der silova, Local Council ten hma in la thei lo maw.

**961282\_57**

Information mike atanga kohhran thenkhat hriattirna puan a ni ziah hi enge a awmzia ? Pawl pawl lampang a ni lo a nia.

**961211\_05**

Pathian hnena kan dil thin angin tluang taka intihsiaq na kan hlen thei hi i lawm ang u. Pathumna lai kan ni hi hruitute leh memberte in thawhrimna vang a ni e.

**943619\_43**

Kan Branch YMA aiawha lam te kan va han chhuang tak che u em. In thawhrimna leh inpekna avanga kan veng hming a tha thin hi a lawmawm thin hle a ni.

**985601\_22**

Kuangchera Section Bungraw in bul siam mek hi veng hmangaih tak chunga tha taka an siam kan duhsak pui hle.

**943638\_99**

Hnamdang khawmpui kan thleng dawn a, chhungtinte mahni in leh a vel i vawngfai theuh ang u. Thenawmte tana kan mize thalo tak hnamdangte'n an hmuh loh nan.

**977601\_80**

(SMS kan dawn te hi Ed. Bd ngaihdan a ni vek kher lo)